


Mandeni Ka·tong



“Apchona cholgugako napbo; maina gimagnigipachina dakanggipa cholguga dal’a, ramaba apala aro uchi napgipa lang’a. Maina janggichina dakanggipa cholguga apchona, ramaba apchangket aro uku nikgipa lang’ja..” ~ (Mati 7:13,14)


Agansoani

Anga ia chongipa ki-tapko Gospel Tract and Bible Societyni tract-oniko pe-skaaha.

Ia chonbegipa kitapsan ong-oba uni gamchatani tangka sonana bata. lan mandeni ka-tongni gimin seani ong-a. Pap mandeni ka-tongko ong-siata. Isol an-ching sakatantini ka-tongko nika aro uia. An-ching una mamungkoba donnuna man-ja. Isol pilak manderangko gisik pilchina ge-eta. (Wat. 17:30). Ia ge-etaniko gisik nangjaode, mände jringjrotni wa-alni wariona reangna nanggen. (Mati 25:21). Iano kingsni noksarang gnang. Uarangko nie antangtangni ka-tongko tosusa-ate nikatna man-gen. Anga bebera-a ia tractko poraie aro noksarangko nike antangni ka-tongko namaona dingtangatna man-gen. Isolni Gisik Rongtalgipani bil nasimangni ka-tongo dongkamchina angni sika aro bi-a.

Ia chongipa ki-tapko chapa ka-atanio M/s. Sangma Books & Prints-ni nokgipa Pa D.Ch. Sangma ki-tapni bimangona nitoe tarie on-aha aro uni dakchakanina anga uko mitelbea.

2003.



1. Mandeni Ka-tong

Da-ororoni a-gilsako bang-a manderangni ka-tongrang tomtomgijani ong.enga. Bang-bea a-selrang donga maina ia ka-tongrang tomtomgijani ong.enga. Jeba ong-chong an-ching ka-dongna man-a, Isol an-chingko uia, uo bebera-e uona re-bagipa sakantini tomtomgijagipa ka-tongna tomtomaniko on-na sengsoe dongenga. Isol nangna ka-sara aro nangni katongo dongna nangnika.

Mandeni ka-tong iano aganengani gitade mandeni ka-saanirangni rongdik ba dongchakramko mangsonga, ba "nangkong".Nangni ka-tongoni ong-katang giparang.

Isol, pilakkon Dakgipa, mandekoba a-bachengon dakaha. Ua mandeko nitogipa Edenni bario kusi ong-e dongchina aro una dongtimchina donaha.


Ia Isolni mangsonganiko ong-siatna maiha a-selko ong-ataha.Namgija gipa gissik, jeko an-ching soitan minga ,Isolko mitchiaha . Ua mandeko ruraaha ,jajaataha aro ua Isolko manijaha. Iani gimin, mandeni ka-tong namgija gipa ong-aha aro pap ka-gipa ong-baskaaha. Unon ua Isol baksa nangrimna man-jaha, pilak gipin kusinirang (a-gilsak)nirang uko pripaha. Uni katong tolpinapako man-aha aro ua namen papigipa ong-baaha (Jeremiah 17:9) Mande Isoloni ekgrikaha .

Isol a-gilsakna inditan ka-saaha ua uni saksa kamkam depantekon, Gitel Jisu kristokon, an-ching mandeni papna sichakchina watataha, Gital kadonga niko sakantinan on-aha. Isol mande sakantini ka-tongo dongna ska aro basakoban salo mikkangchi uisogijan somoio jokgimin rangko unbaksa dongchina uni nitobegipa an-sengbegipa dongram salgiona rimdoanggen.Ua bilgnange agana papigipa uano mamung dakeba napjawa.

Pap uam je chanchianiba, cholon bewal, kamni bewal, ba bebera·ani Isolni namnikani gita ong·jaode uarang pap ong·a. Iarang mandeni ka·tongko marang nangata. Isol mandeni a·palnikosan niaeja, indiba uni ning·ni katongonan nia. Isol na mamumgba donnuani dongja .Ua pilak manderangkon je biaponikoba gisik pil·china ge·eta. (Watata. 17:30). Ia ge·etanina gisik on·jaode, simsakjaode, mandeko kimitna amgijagipa wal·sareona norokona galonatgen. (Mati 25:41).

An·chingni paprangna gisik pil·na nanga, paprangko ku·rachakna nanga, aro kema ka·ako man·a nanga. Uni jamanode Isol an·chingo gital ka·tongko ong·atgen jean Una ka·sagen aro Una dangdike on·gen. Uni gisik mandeko a·pal nikrengraoniko dosko am·jawaha indiba uni ka·tongona napanga aro uko dongtoata ka·dimeata aro uko uni gisikchi re·dila. Aro bonkamao, an·chingni a·gilsako janggitangna sal chusokahaon, Isol an·chingko An·tangona rimanggen.

2. Papirangni Ka-tong



(*Papirangni Ka-tong*)

Ian a-gilsakni rajachi sason ka-engipa ka-tong ong-a. Ua papini janggikon Uni bang-bea namgijagipa gisikrangchi sason ka-a, uarangoni mingnigipara gaora de-ani aro antangnasan chanchiaiani gisikrang ong-a. Ia noksao na-simang nikgen soitan ia ka-tongni jatchio asonge dongengako. Do-de, singho, wak, chipu aro gipin matburunrang mitam ong-gramaianiko, bilakani bilrangko.

rongtalgijaniko aro chalakkī ba tol-gipa gisikrangko mesokenga jerangan papini ka-tongo dongkama. Namsusu nikgiparangni ka-tongkoba Isol rachakja, maina uan rasong dakani aro an-tangko dal-nikaniko ong-katata.

Ia noksani ka-tongo pap ka-anirang jedake churing chupekanio. aro cholon bewalo kratchaaniko aro rasong be-atanirangko ra-baaha. Uan be-enni skanichi aro namgija katarangko agananirangchi gapata. (Toe Skiani - 23:29-33). Tamakkuko ringani biteko ia ka-tongo nikrongbata, namgija bewalrang, kamrang be-enko ong-siata, jean Isolni torom nokdring ong-a (I Kor. 3:16,17).

Manderangni be-enni sikanirangko chusokatani namgijagipa cholon bewalrang, niam gita ong-gija pante metrarangni turimani, aro til-ekani iano donga kamchi ong-jaoba gisikchi chanchiao Jisu agana, me-chikko sikbee nigipa mande an-tang ka-tongo unbaksa til-ek man-aha. (Mati 5:28).

Uan kratchaninggija dake antangko kusi ong-atbea aro manderangni mikkango paprangko daka. Chrokram nokrang, cenemarang, theaterrang, chrokmesa-ani biaprang aro mitchimitchi sea jotanirang paprangni ka-tongni sika nirangko aldua, cholko on-a, "Til-ekani katbo. Mandeni daka pilak papirang be-enni a-palo ong-a, indiba til-ekgipa antang be-enni kosako pap daka". (Ikor. 6:18)

Chaduga-ani ringduga-ani chupekgiparang baksa apsan ong-a, aro Niam gitcham sastro indakgiparangko namen namgijagipa pap ine chana. (Duet. 21:18-21)

Marijuana, bhang, cocain, opium, hashish, aro indake pekatgipa, mandeni gisikko dingtangatna man-gipa, tusina sikatgipa, ong-ae ong-jae namgija, ku-sik sel-gija agananirangko ong-katatgipa sambolrang ka-tongo napea. Mitamrang gisikkosan nosto ka-ejawa indiba mandeni be-en aro janggikoba.

Joa kal·ani, togi chabokani, cha·uani. tol·ani aro tol·pinapani ka·tongko be·atani biterangko nangata. Indakgipa paprangoni mitamrang antangko ong·nike indake agana, "pilkan indakede dakaia,"ine "gualani ong·ja", ba"darangnaba be·en aro gisikna sakna·ani ong·ja" ba "pilakan indake daka" ine·sakgipinni malrangna mikbokgipa ant·angko saata. Ua gipinni malna niata aro ua rangko manpana sika, uarangko ong·gija dake man·na joton ka·a. Kakketgija sikani ba miksangani a·sakni gamrangko chimongna ong·a. Ia papara Lukni seao man·e chagipa mandeni obostaona dilanga.(Luk 16:19-31). Ia mandeni mikronrang norokko nikataha aro uni kamenggipa sreko ka·sinatna tingtotsa chiko tingtotatchina bi·ataha.

Aratani (kisingko toe aganani) simsakgijani, ruutatani, aro aratani dakmajoirang ong·a ba ia ka·tongo pap ong·a. Toe skiani 21:25,26 "Aratgipani ska an·tangko soota; ua an·tangni man·ra sikakosan chanchie dongaia; kakketgipa mande on·a aro jaksrame on·na ama." Aratgipa gipinni malna mikboka antangde kam ka·ja, indiba kam gonggipa mande antangni jaktangchi kakket ong·e kam ka·a.

Munipigipa, montol dakgiparang, askirangko nie mandeni janggitangani gimin aro ong·bagnirangko angangiparang, askirangko nie katchinike angangiparang aro sigiminrangko tanggiparang baksa agangrikatna man·na ine bebera·gipa·rang guangrangni uamangni okningo donggipa stapgipa kildingrangko sringe joong chongiparangni bilbae mabakeako cha·na timsoe dongagita uamangni katongo chanchia jeon Gisik Rongtalgipa gri, bang bang, useless ong·aia. Isol soitanni bilrangko chonnika, maina uamang papirangni ka·tongrangna mamungko ba dakna man·ja, indiba tol·pinapanisan.(Isiah 47:12-15)

Bang·a changrangon mitchiani bewalni bimango mitchiani aro ka·saninggijanirang ong·kata. Ka·onangani aro agrepile kragija dakani bewalrang changni chang ong·enga aro ajak sokani kakketni bimungo pilnipil ong·enga.

Gitrang 37:8 o agana "ka-onangako dondikbo, aro ka-agapako watgalbo: Antangko jajrengatnabe, uan namgija dakoanasa ong-aigen." Indioba papirangni ka-tongrang antangnasan chanchiaegijaniko antangnasan ka-saegijaniko dakna manja. Ia ka-sanningijani gisikko dikdiksana chakna man-naba donga, indioba babbakan uamangni ka-chichaon ong-taiaea, namatna man-ja. uni bitede duk ong-beani, ka-beani, sakna-ani aro sianiona soka. Mikbuani, bobil dakani, aro namgija skani ia ka-tongko sason ka-a, duknirangko ra-ba-a, kusi ong-gijanirangko, aro sakgipin rangni janggi tanganiona dukrangko ra-ba-a.

Gaorade-ani uni nidikgipa skoko ia ka-tongo ⁷¹umi ong-gramagipa aro tolmikgipa bewalrango de-doa, rasong daka.

Ua gipinrangna aro ripengrangni namgnina ontitisan simsakaia. Ua antangko a-gilsako nitoarangchi, antangkosa mande ra-achi, lekka porao chue poraie dalnikachi, ganding chinding rangchi, a-gilsakni gamsengchi, mingsingatanichi, dalnikachi, gaora dakachi, antangko namgipa gisik gnanigpa dakachi, torominikachi, aro antangko kakketgipa nikanichi antangko nitoata, mingsingata. Uan namgijako dakgipa papsan ong-a aro sakgipin rangni gisikrangko saatanisan aro miknenga mikbuanirangko ong-atanisan. Gipinrang uko name dake mande rajawa.

Uan gipinrangko saknaatani cholrangko am-a aro tomtomgija dakata, jajrengata, gaorade-ani nokdango nangrimanio de-mitelaniko am-a aro magitcham pagitchamoni mingsing baani rangko am-a. Uan namgipa kamrango dal-a niksenganirangko dona aro mandeskarangni joton ka-anirangko chonika, gaora de-ani ramram onnikanirangko sastroo skia nirangko gisik nangja, antangkosan torom ong-nikaia kakket nikaia jena kingking manenganirangko ba matnanganirangko knakuja.

Gaora de-aniko salgioniko galonataha aro mamung saloba uni cholguga gita naptaijawaha. Isol ia mingsniko mitchia aro namnikja; gaora de-gipa mikronrangko, tol-gipa sreko, dosgrigipako sootgipani jakko, namgijako chanchisogipa gisikko, namgijaona

daarigipa ja-arangko, tolroirigipa sakkiko, aro ripengskanirangni gisepo jegrikaniko. (Toe skiani 6:16-19). Uni a-bachengani soitan baksa aro bonchotani norok ong-a. "Gimana skang gaora de-anian; Aro ga-akna skang gangbinggipa gisik ong-a." (Toe skiani 16:18). "Isol gaora de-giparangko mitchia aro champenga, indiba ongipanrangna ka-saako on-a." (IPitor 5:5).


Papirangni gisikrangko jingjengatna joton ka-anirang bonchonggija dongangkua; namgijagipa gisikrang soitan oni re-bae chachipilgipani tol-e agananirangko knatimna namnikpae uamangni gisikrang jarachange sigimin ong-a aro saoba saoba bebera-a oni an-pilanga. Maina Isol gisik rongtalen agana je jamani salrangko bang-a mandarang uamangni bebera-a oni an-pilanggen, aro satanini tol-e skianirangko jarikanggen, ine uamang walchagipa silrangchi kamretretaniko man-e Jisuko bebera-aniko watanggen. (1 Timothy 4:2). Indioba adita somoirangni jamano uamangko bichal ka-gen, uamangni dosrangko mesokgen aro ken-beani ong-gen. Bichal sakantinan sengsoenga. "Pap kagipa mande sigen". (Ezekiel 18:4).

Papini ka-tong tolpinapachi, aratachi aro tusidumuachi Isolni ka-saaniko warachaka. Ua antangko indake agane ka-dimeata. "Bangbea apsan dakgipa ka-tongrang jringjirotna gimagniona songreangenga." Ua chanchia je badiaba mikkangchini somoi mikkangchakna nengrakalgen aro pap ka-e kusi ong-na ba nokkol ong-na namkalgen, ine. Rongtalgipa sastrooniko bebera-gija jenan sastiko donsoenga aro skagipin papiskani ong-gramagipa kupatianiko ra-chaka. Saitan, ka-sachaka gri, uni mikron rangko bebe na katipa, mikandalata. Ua kōtongko dilsretna joton ka-a jensalo Isolni kataona sokanga. Ua uko ma-joa jedake ua magipa Hobako dakaha, sing-a niko sing-e Isolni katako beberaatjana. "Isol na-simangna aganbebeahama.?" Indioba Isol ia ka-tongna agana don-tongjaha.

"Maina Isol a-gilsakna inditan ka-saaha, ua antangni saksu kam kam Depantekon on-jok, maikae uo bebe ra-gipa sakanti

gimagija jring jrotni janggiko man·gen." (Johan 3:16). Oe, duk
man·gipa, jajrenggipa ka·tongko Isol okamenga;" Angona
re·bagipako anga mamung dakeba a·palchi galjawa". (Johan 6;37).

3. Sasti aro Gisik Pil'ani



Papigipa ia katongo Ispolni ka-saa nina aro Isolni bichalna gisik pilna a-bachengaha. Gisik Rongtalgipa pap ka-gipako sasti on-a aro bichal ka-a. Ua papirangko Jisuchina re-bachina aro jokataniko man-china okamenga. Bi-anirang ka-sachakani singhason ona tōngdoangenga. kuchil mangmangchi ong-ja, indiba

uni ningtuao donggipa janggioni kadongani gri ong-e grapachi. A-palni gita manderangni nikrengrao jakgitel gita nikoba, ningode ka-sanninggija duk on-anina aro sasti on-enggipani sitengtoate saknaatanina nokol ong-enga. Salgi aro a-gilsakni Isol ia obostako see donaha; Jihova Isol aganaha, "Egypto donggipa angni manderangni dukko anga nikchongmotaha. aro uamangko ka-draatgiparangni gimin uamangni grapaniko kna-aha; maina anga uamangni dukko uia." (Re-ongkata 3:7).

Dakgipa Isolni ka-sachak^achi ka-tonga seng-aniko aro ma-sianiko man-enga-teng-ani paprangko nikna gita Rongtalgipa sastroni katarangchi gisikko seng-ata aro Isolni katako bebera-e ra-chakna uiningani gisiko man-a. Dal-a duk saknabeani aro jajrengani. kena ni ia ka-tongo donga.

Papigipani ka-tong antangko Isolni namen mitchigipa ong-chongmota ine ra-chaka. Ua ma-sia, uo Isolni ka-onangako bamatna mamungba gri jean uko sengsoengachim. Ua uia je uni gisikni parirang soa senga aro namen namjabegipa ong-a ine uni gisik griani gimin. (Gitrang 38:5). "Angni parirang mitchiani aro sogipa ong-a, Angni gisik griani gimin." Ua koedirangko patok noko nitimgipa jailor gita chrika, "Gitelrang, jokna angna maiko dakna nanggen?" (watata 16:30). Ua antangni cholon namgijako uie chrika. "O Isol, angna papina ka-sachakbo". (Luk 18:13) Isolni kata ka-donganiko on-na, aro papko dosi ong-a ine parakata. Uan teng-ani andalgipa ka-tongona napaenggipa gita ong-a. Teng-suani aro Isolni dongpa-ani bilgnanggipa kata soitanko uni gaora de-anirang baksa mitchignigipa kamrang baksa a-rikata, aro uni ka-tongni rongtalgijagipa gisikko. Aro ua wate katangon, ua soitan uni namgijagipa gisikrangchi Rongtalgipa Isolni bilakgipa bilko warachaka.

Ua ia ka-tongni ning-o dikdiksana neng-takmi^tingo uni bang-a paprangko Isolni nikaoniko pindape donnuna jot[^]on kaaha.

Chu-soksrange gisik pil-gijagipani kenani donga. "Marang gnanggipa gisik mandeoni ong-katmanoa. ua chi gri biaprango

roe nengtakaniko am·a; aro man·jae ina, Anga angni ong·katbagimin nokona re·pilgen. Aro re·bae uko itorokgimin aro tarigiminko nika. Unon ua re·ange an·tangna bate namgijagipa gipin gisik saksniko rimbibae, uamang uano nape dongkama; unon skangna bate ua mandeni ja·mangipa namjabata. (Luk 11:24-26).

Sitengtoe sakna·aenggipa papirang chisoloniko katarangko kna·aha, "O Apa, uamangko kema ka·bo·maina uamang maiko dakenga uija" (Luk 23:34).

Jensalo ia katong uni Jokatgipa Jisuko rinokgipa ka·saachi gipaka ua rangsan chisolchiko nidoaha. Unon uni saksan ripeng gri duk saknabee chisolo dingdeengako nikaha, indiba oh, inditan chinggipa teng·sue nitobee ching·brakenga! Nibo Isolni Depante dingdee dongenga, gojalrangchi datkape an·chirang jokenga. Uni gangipa ba·rarangko uoniko ra·angaha, kratchaataha aro chonnike kalstape roaha, uko ^{sakni} pilak a·gilsak nikchina de·doaha. Pap gri rongtalgipa ong·oba, uko ^{sakni} cha·augiparangni gisepe kadingdeaha. "Siaona kingking uni janggiko ua rupakaha, aro niam pe·giparang baksa chanchapako man·aha indioba ua bang·ani papko ra·chakaha, aro niam, pe·giparangna molmolchakaha." (Isuiah 53:12).


"Anga ia mandeo mamung doskoba nikja" ine gisik pilgipani ka·tong chrika, "Ilan angni pap ong·a, angni duk man·gipa katong sinan kra·a aro jringjrotni sastiona pakwata, ia namgijagipa mitchibegipa cholon chisolo kratchabee sinan kra·a. Mackae ua angnan siaha?"

"Indiba an·chingni niam pe·anirangna ua mata bu·ako man·aha an·chingni namgija dakanirangna bnekako man·aha; an·chingni tomtom ong·gnini doke skianiara uni kosako ong·aha aro uni doka man·achin an·chingko an·sengataha." (Isaia 53:5). Ia Gisik Rongtalgipa ka·dimeani ku·rangko sriksrik ku·misichi agancnga.

"Nangni paprangko Isolni saksa kam kam Depante duk chakachi aro siachi bichal ka·aha. Anga ia mande²chiko nigen, chongmotan ongipa aro gisik bnekgipa, aro angni katana

tiltilgipachiko.(Isaiah 66:2). Ian tiltilgipa gisik pil·gipa ka·tong na ka·dimeani ong·a. maina uan antangni namgija dakana chisolni ja·pao duk ongchongmotenga. Soitanni rim·kepaoniko jokataha. Gitalgipa ka·tongko dakaha, aro tomtomaniko Pagipa Isolchi salgioni on·aha.

4. Gitalgipa Ka-tong



"Uni gimin da-o Kristo Jisu o donggiparangna mamung matnangra dongja, jemangan be-enni gita re-ruragija indiba Gisikni gita re-ruraaha." (Rom.8:1). Chu-sokgipa tom-tomaniko on-naha . Papni janggiko rongtalgipa janggiona chu-sokataha. Paprangko ku-rachakaha aro gimagiminko man-pilaha. Ka-tongko a-gilsakna

chisolo datkapaha aro a-gilsakni pilak ong-grammaianirangna. (Galati 6:14).

Da-o ka-tongni ningo dongkamgipa Gisikko noksao mesokaniko nikna man-gen, paroa aro mesrangko uarang ia ka-tongko bebeona dilna ka-tongni ningo napeaha. (Johan 16:13). Ia ka-tong Isolni katana jokataniona dal-rorona man-na gita atchigital bisa bakgitchakni bringijagipa ma-gipani sokko cha-e dalroroa gita Isolni katao dal-rorona sikaha, maina uamang Gitelni rinok rinok dakako chatotaha. (1 Pitor 2:2,3). Gisik Rongtalgipani biterangko jerangan "ka-sara, katchaa, tomtoma, bebera-a, sontol daka, antangko bamata, indongarangko beng-na niamdongja". larang gitalgipa ka-tongo nape-gen. (Galat. 5:22,23).

Jihovaan nama nirkgipa ong-e, gitalgipa katongko tangsekgipa cha-amramrangona, tomtomgipa chirangni sambaona re-dil-anggen. (Gitrang 23)

Rongtalgipa Gisik atchigital christianrangko kata manigipa aro manigijagipa ong-aniko uni antangni janggi tangaoniko aro uni ripengska manderangni janggitangani oewalrangko nigrike dintanggrikaniko ma-sina man-ata. Ua knaa, bang-a manderang Gitelni bimungko minga; indioba uamang namgijaoni chelja. (2 Tim 2:19). Indake ong-aoni ua an-pilaha. Ua Isolni katako poraiaha aro uni skianirangko kratchagijan ra-chakaha. Uni jakgitel ong-anichi ua ka-donggipa ong-aha. Ua jeko nikaha aro knaaha, uko agangija dongna man-jaha. (Wat 4:20)

Ia gitalgipa katonga uni jringna rongtalatna nangkamainiko nika Daudni bi-a gita "Angko niroke nibo, o Isol, aro angni ka-tongko uibo; Angko nie nibo aro angni chanchianirangko uibo; Aro ang ma-~~teba~~ namgija dakani rama dongama dongja nibo, Aro jringjrotni ramao angko dilangbo" ine. (Gitrang 139:23,24).

Gisk Rongtalgipa ia ka-tongni dintang dintang bakrangko rongtalata, maiba champenganirang dongode uarangko jitata jedakode uno gamchatgipa biterang nangna man-gen. (Johan 15:2).


Ua rongtalatani kamna bama maina ua uia. Kristona a-gre an-ching mamungkoba dakna amja. (Johan 15:5).

Chisololo datkapako man-gipa Gitel Jisu ni siaoni chakatpilani pangnan uni mikkango chua aro de-doa. Kristoan uni mongsonggipa katchaani, aro ua uko kusi ongatna am-a jean una gital janggiko on-aha.

Ia ka-tong Isolni bilko rakkianiko bebera-a. Jisu agana. "Angni mesrang angni ku-rangko kna-a, aro anga uamangko uia. aro uamang angko jarika; Aro Anga uamangna jringjrotmani janggiko on-a: aro uamang pangnaba gimajawa, aro angni jakoniko uamangko pilakba ra-sekjava." (Johan 10:27,28). Jena king king ua angko knachaka aro nirikgipako jarika ua jokgen. Soitan-ba uko Isolni jakoniko rimangna man-jawa. Uko mikrake aro bie dongchina skiaha maena soitan uko dakmajogen uni skango be-enni sikanirang aro mikbokanirang baksa. Basakoba basakoba soitan randinggipa singho gita uko chaminokna joton ka-a: changgipinrango ua uko seng-ani sagre dake kimala. Ua soitan didianirangko knachakode ua uko Nirikgipaoniko chele dilangen. Soitani miksongani chauna, aro sootna aro nisina. Indioba ia ka-tong Isolna bama aro soitanke warachaka, soitan katangna nanga. Ia ka-tong Nirikgipako knachakenga dipet aro uko jarikenga dipet, ua naljoka.

131 80/7

5. Isoloni an-pilanggipani ka-tong aro uni bonchotani



Ia ka-tong duko bonchotani onga. Ka-sne ka-sne, soitani tolnapachi pap kataiani, papna gisko nanggijaani aro simsakgijani aro katongo dongkamgipa gisikni ekangani, soitani aro uni namgijagipa gisik jean Isolni dongpanichi katongni ningona napana

manjachim uamangni namgija cholon bewalrango skanggitan re-bapilaha uamang uamangni katongoniko paroa aro mesrangko rikataha.

Ia ka-tong Jokatgipaoni an-pilangna a-ba chengaha, aro Isolni jringjrotna ku-rachakaniko watangaha.

Kakket ong-e kata maniani aro bamani aro uni gital janggi tanganio bimchipe gisik rake niti-maniko ia christianko salrikaha. Dao-øba uni gisikni jongadarang manenga chi aro nama kupati-anirangchi mikrakate uko molmolenga, "Uni gimin angana, Tusigipa mikrakbo, aro sigiminrangoni chakatbo, unon kristo nangko tengsudapgen. (Ephesian 5:14) ian Gisik Rongtalgipa changni chang de-mensaani ong-a, indiba papko dakangenggipaani ka-tong tusingkuaia.

Soitani jak bakgitchak bisako tuatchakgipa wingwangani donggipako rimaha, aro Isolni bisako tusichina mumuaha, jedakode ua mikrakgija tusingaikugen. Ua bisani janggina namgijako dakna sike, gamseng aro tangka sonarangni gimin tolpinape, be-enni sikanirangko ong-ate aro bisadambenrangni ong-ronggija niksamsogija chanchisamsogija somoio a-sel nangatanirangko ong-ate, salantio bi-ani rangko simsakgija dakate, ba Isolni katarangko cha-aniko dontongate, dak-majogipa bangbanggipa ka-tongo napange Isolni ku-ra-chakanirangko ka-dongatanirangko tolpinape jajaata, chaboka, aro dilsreta.

Pilakna skang Christianni janggitangani bimangko a-gilsaknirangni kragija bewalrangko ong-atchenga; bebe-ra-anirangoni an-pilgipa giljachi re-ange, sastrorangni gimin agandapa.dake bangbanggipa ka-tongchi jak^u dipane bimika dake kakketgija agananirangchi ja-guatanirangko donbaa.

Indake antangko seng-nike, rasong dake mitchigipa paprang ka-tongko rakata. A-gilsakni ripengrangkosan ua manibata; ong-gramaiani kusi ong-anirang aro be-enni sikanirangkosa chanchianirang skoko pap kana an-pilata. Gisik gri jara gita aro

be·enni sikanirangni giminsa agangrikanirang aro ram ram baleke ka·dinge roanirang ong·rongbata.

Namako dakna uianá gisik (conscience) changsa name ma·sigiminko bonchangata, aro una matnange agananirangko ba sai manengganiirangko gisik nangja batesa kusi ong·e, an·senge roaiani paprangko dakna ka·tongni dogarangko oe on·a. Ka·onangani, miknengani, mikbuani, uni ka·tongo gitel ong·a skango be·enni sikanirangko aro be·enni gita janggitanganirangko ka·sne ka·sne uamangni ka·tongrangona napangna on·na jean changsao rongtalahachim. Ia pap ka·ani obostao, antangko toromi nikani ja·gao keataha. Jedake (Luk 18:11) o sea, "Anga sakgipinrang gita, cha·bokgipa, bebegijagipa, tilekgipa ba kajina gilgipa gita ba ongja, anga antiprako changgni okumu chaka, aro angni manaoni bakchikungni baksako on·a." Ua a·gilsakni bewalrangona an·pilangaha, aro Kristoko ra·chakkugijagipa mandeni ka·tong gita gimaaha.

Jisu, Nama Nirikgipa, ia ka·tongko namedake nia, ua gimagipa mesko am·na janggini ta·rakgipa balwarango reongkata. Ua uni mesrangko channaha, aro mangsa rebakuja.

Uni ka·saani gimaatani ong·ja. Ua molmolenga, "re·bapilbo, Anga nangna angni an·chiko rugalaha"!

Chisol niamko pe·ani ong·baaha, aro Anga antangko on·kangna jechakjaha. Isolni dedrangni re·anirang aro uamangni nangrimanirang gisiko kiltikgiparang gita nika aro gamchatani komia gita nika. "Gisik aro namchik agana, Re·babo;" (Parapea 22:17). Isolni sasti jechiniba sokba·a indiba antangni ka·sachakachi pilak pap ka·gimin rangna antangni janggiko on·chakaha. Antangko torominikani aro kema ka·aniko Jisu Kristoo bebra·achi kema ka·ako man·aha.

Tolgipa aro gisik pilgijagipa nirikgiparang pamong procharokrang ia ka·tongko chuongnike dongtoata, kadimeata, aro pap ka·giminrangko kema ka·aniko man·na sikja, indake

paprangko kusi ong'e dongna re-bapila. Uamang kema bi-anikoba dakja.

Rongtalgijagipa gisik jean uoni katangahachim uni nokona re-bapila.

"Unon ua re-ange an-tangna bate namgijagipa gipin gisik saksniko rimbitba'e uamang uano nape dongkama; unon sangna bate ua mandeni ja-mangipa namjabata. (Luk 11:26).

Oh, baditan namgijagipa mande aro saknaan! ia obostao! Reangimin salrango uni pap kae kusi ong-anirang uko ka-dimeatna man-jawa. Indiba Isolni ka-sachakani uko okamkuenga, gisik pil-china.

Oh, Isolni an-pilanggipa! nangni ka-tongo aganbo, "anga chakate angni pagipaona re-anggen, aro una agangen, Apa anga salgina, aro nangni nikanio papko dakaha. (Luk 15:18). Skelbo, maina da-alo jokatani sal nangni ka-tongko rakatnabe, "Tanggipa Isolni jako ga-akara namen kenbeani ong-a." (Ibri 10:31). Isolni ka-sachakaniko Jisu Kristoo parape-giminko jegalchanabe. Kasachakani dogako oengmitingon jokataniko ra-chakna skelbo.

Somoirang taraken re-angenga. papigipana siani sal sepangba-engaha. Uni be-ena bang-en saknabeani ong-gen aro uni ka-tong kenbeani ong-gen. Gamseng bangbeoba namgni dongjawa. Namitingo ripengrang bangbeoba unsalo dongjawa. Papni namjabeanira parakgija jripjrip dosko matanganio donga. Geeta mingchikungrang, Isolni jringirotni niam, rongtalen agana siani songio. Isolni ku-rang changsa agantaia, "Angni gisik mande baksa jringirotna jekgrikchajawa;maina ua be-enan, signigiparangsan ong-aia." (Aba 6:3), aro da-o knataijaha. Isolni gisik da-o tanggiparangona sokbaskaha aro bonchotgipa saki agana, "Nibo papni dormaha." Uan papigipa ka-tongni siangengon, namen kenbegni ong-a: ka-dongani dongja, jokatani dongja, seng-ani dongja, andalani mang-mangsan aro ka-dongani dongsranggijani ong-a.

"Arc uamangko wa'alni a-kolo galgen. Jeo grapa aro wagam
 ehikmijilani ong-gen." Ia bichal ba gimaani pilak papirangko
 sengsoenga, paponi pangnaba an-pilbagijagipa ong-bo ba Isoloni
 an-pilanggipa ka-tonggita pap ka-taina an-pilbagipa ong-bo. "
 changsa sichina, aro unjamano bichalko manderangna donsoaha."
 (Ibri 9:27).



(Isoloni an-pilanggipani ka-tongni bonkamani)

6. Chegipa Ka-tongni Nokona, salgiona re-ba·ani

Toromi mandeni salgiona dobaani



"Maina Isol a-gilsakna inditan ka-saaha, ua an-tangni saksak kamkam Depantekon on-jok." (Johan 3:16)

Ka·tongara chegipa ong·a. Uni miksongani an·chingko okamgipa Isol antangni songnok aro rasongona krae re·rurachina ong·a. (1 Thes 2:12). Gital ka·tongni atchiani bimang dingtangatani bilchi Isolni de pilak jrimako aro duule rim·ninggipa papko galangenba, an·chingna donsogimin daarianiko chakchike daarina, beberaniko chusokatgipa Jisuko miksonge daarina salanti jotton ka·ani ong·a. (Ibri 12:1-2).

Soitan uni bilakbegipa bilchi uni sepango donga indiba an·ching beberaachi Isolni bilo rakigimin an·chingna salgio rakisogimin, sogija, marang gri, suurigija man·rikaniona, an·chingko atchiataha. (1 Pitor 1:5).

Janggiko nina dakanirang somoigita an·chingona sokbaa; Isolni dedrang dal·a neng·nikarang, dukrang, arikanirang, kasa·giminrangchiba mitchianirang ong·gen aro ripengska manderangchi jegalani. Basakoba kristoni chisolko watgalna dakmajoanirang aro dukrang minoksrangna gita sokbagen. Apalgipa ramani kusinirang aro ka·dinganirang ia songregipani mikronrangona aro nachilrangona riprapani gita chingbrakea. duk saknaa gri tomtome nengtakaniko man·engon be·enni skanirangna ruraanirang sokbaon nambatgipa jakgitelaniko man·gen ine agana⁷irang majoanirang re·baa. Soitan ia ka·tongko uni skanggipa nokol ong·aniko gualata, aro skango antangko kusi ong·ate be·enni skanirangna bamata aro be·enni gita a·gilsaknirangna sikanirangko nipilatchina didia. Gisik rongtalgipa mikrakata je "Nangrio jak rim·e janggalchiniko nipilgipa pilakba Isolni songnokna kraja." (Luk 9:62).

Namgipa Nirikgipa ia ka·tongko re·dilangkua, uni Antangni mes mangsa gita tangsekgipa cha·amramrangona, tomtomgipa chirangni sambaona ua uko moanga. Baditaba chang ua duk saknaako aro nina dakanirangko man·oba, siani salakkimni a·kongko re·oba, ua uni janggiko an·saoata, uni goldik aro monggot uko ka·dimeata. (Gitrang 23).

Bobilrangni mikkango cha·anirangko tariet tableo done uamangna cha·na on·ode uko uamangna ka·saaniko ong·ata, aro uamangna bichaknaba manata uamang mitchi grikbeomangba.

"Antang songsulna ka·sabo, indiba bobilko mitchibo ine aganaha ine na·simang knaaha; indiba angade na·simangna agana, na·simang antangtang bolbilrangna ka·sabo, aro na·simangko a·rikgiparangna bichakbo, maikae na·simang⁷² a·simangni salgio donggipa paani depanterang ong·gen." (Mati 5:44). Uni jangggina on·sreani mamungkoba ua ra·chakna man·ja. Uni sikani Jisuko mangmangsang nikna sikani onga.

Gisik gnanganichi aro ka·sachakanichi Isolni ~~katani~~ ku·patiachi jerangkon man·aha, ia ka·tong Isolni dedrangko am·aha. Jensalo ua Kristoni be·enko nikaha, Tanggipa Isolni mondoliko, chio napolachi, aro rongtalgipa niamrangko skiachi aro ranta kaachi, ia janggiko man·na·sikbeaniko chuongnikaha. (I kor. 12, Watarang 2:41). Ia namen nambegipa aro rasong gnangbegipa Nama katako anganprakna aro ka·saana Kristoni baltigipa gita Isolni dedrangna dal·a ku·siniko on·a. Ua chisamo ge·gipa bol gita ong·a. (Gitrang 1:1-3). Dakna nanggniko uiani gisikna ia janggi jakgitelaniko aro ka·sachakaniko on·a. " ka·sao kena gri·batesa chu·soke ka·sara kenako arika. (1 Johon 4:18).

A·gilsakni ku·sikrang Jisuko ja·rikgipani ka·tongni kusi ong·aniko aro rasongko talatna man·ja.

Bebera·achi kristian Isolni dakgipa nitogipa songjinmako nikna man·a jerangkon ua antangna ka·saagiparangna daksoaha, "Na·simangni ka·tongko jajrengatjachina ... Angni pagipani noko dongani biap bang·a ... Anga na·simangna biapko daksona re·nasia ... Anga re·bapilgen aro anga jeo donga uona na·simangko rimdoanggen." (Johan 14:1-3). Christian watata Paulni anganania dongepagen, "Amao siako minokaha! o sia nang·ni ama bao? o sia nangni beribao? siani beri pap; aro papni bil niam ong·a." (1 Kor. 15:54,55). Jensalo ua Jisuni aganako gisik ra·a ua ka·dimea,"

Angan chakatpila aro janggi; anga bebera:gipa sioba tanggen; aro pilak janggi tange anga bebera:gipa jringjrotnaba sijawa." (Johan 11:25,26).

Pilak signigipa be-en sina nanga uandake, ia chegipa ka-tongba ia a-gilsakna janggi tangeniko wate re-angna nanggen. Ua sianiko chatotangna sikjawa, indiba jringjrotna sigijagipa janggini katchaanirangna niatsoa jean uko sengsoenga.

Tomtomani aro rinokrinok dakani uni janggina magapaha, uni a-gilsako bonchotgipa janggi tangeniko uni turamko duulaha. Uni a-gilsako watangon una ku-rachakani aro uni cholonni sakki on-anirang donga.

Kristoo jokataniko man-e ua da-o janggini mukutko man-egen. ia bebera:ani uni janggiko rakiaha aro uan uni sianiko fail ongtajawa. Jisu uni janggiko rimdona uni sangreko watatgen. (Luk 16:22).

Watata Johan Patmos chichango nikaniko, nikaha jat antini bangbea manderangko nikaha, aro pilakba channa amgija Mes Bisani mikango chadengenga.... Maina singhasonni mikkkango jatchio donggipa Mes Bi-sa uamangko nirikgen, aro janggini chini chimikona uamangko dilgen; aro Isol uamangni pilak mikchiko uamangni mikrononiko usitgen. (Parape-a 7:9-17).

Iana a-greba janggini gimin maiba sing-ani dongkugenma? Salgiara jakjipengama? Ka-sagiminrang rasongni dogo cholo sengsoengama? Na-a bangbea manderangni tomdakanio jekon Johan nikaha uamang baksa dongepana sikjawama?

Jisu da-oba nangni ka-tongni dogachalo chadengengama?

"Nibo, anga dogacholo chadenge doktika; saoba angni kurangko knae dogo oode, anga uona napanga, aro anga unbaksa, aro uaba ang baksa cha-gen (Parape-a 3:20). Rebabo,rebabo da-on, naa uni ku-rangko kn-a taijanaba donga!

~oOo~

Sesretanirang

<u>Jak</u>	<u>Riting</u>	<u>Sesretgipa</u>	<u>Tik ong gipa</u>
1	5	tomtomagijagipa	tomtomgijagipa
5	21/22	angangiparang	agangiparang
6	11	umi	uni
7	1	tolroirogipa	tolrorogipa
7	7	lspol	lsol
7	12	satanin	satanni
7	25	Skagipin	Sakgipin
10	9	ka·sachakchi	ka·sachakchi
10	30	nengtakmiingo	nengtakmitingo
11	15	sakgni	(gale poraibo)
11	16	(on·dapho)	uko sakgni cha·ugiparang
11	31	mandeciko	mandechiko
14	28	ma·aeba	maebako
15	12	soitan ba	soitanba
16	2	gisko	gisiko
17	18	bisadambengrangni	bisa damberangni
17	27	jaksu	jasku
18	3	uiana	uiani
23	1	tariea	tarie
23	7	a·simangni	na·simangni
23	15	man·nasikbeani	man·na sikbeani
23	29	anganani	agananio
24	14	janggikko	janggiko
24	14	sangreko	sagreko

~~oOo~~

la coffin nangko aro angko pilakkon sengsoenga.



*Nar-a siaona kingking bebe ong-e dongho, aro anga nangna
janggalin mukkutko on-gen. " (Parape-a 2:10).*

Dam: 15.00

Printed at
M/s. Sangma Books & Prints,
Hawakhana, Tura - 794001.